



## Почѣніе новопросвѣщенномѹ (взросломѹ) \*

Новопросвѣщеннаго же, наказавъ доволно ѿ бжтвенны писаній. и по мнозѣ наказаній и сїа глеть.

☩ чадо внимай їаже глю ти. во х҃а кр҃тилса єси, во х҃а облечеся. ємѹ же бди всегда оугоднаа творѹ, во всѣ дни живота твоегѹ. въ православнои вѣрѣ твердо пребываа, в доводѣтелехъ житїе совершаа. къ дх҃овномѹ ѿцѹ послушанїе и повиновенїе имѣа. ни когда же ѿлучайса цр҃ковнаго правила, кромѣ великїа нѹжда. но прилѣжны тщанїе бди всегда оупражняса въ млтвахъ и в водержанїи, и во время пощенїа не оунывай. рѹцѣ простирай къ мїлостыни трѣбующїи, и ко ст҃ымъ цр҃квамъ, и ко оубогои чади єлика сила. правдѹ и любовь имѣи ко всѣмъ чл҃кѹ. не имѣи ни како же в ср҃цы своѣ, ни гордыни ни тщеславіа, но все бл҃гоє твори в смиренномѹдрїи, и въ чистотѣ тѣлеснѣи и в покаанїи. всегда во оумѣ имѣи смертныи часъ, и воскр҃нїе мертвыхъ. и страшное второе х҃во пришествїе, и возданїе комѹждо подѣломъ. грѣшникомъ огнь не

\* Печатается по «Потребнику патриарха Филарета Романова» (Гл. 71. Л. 44, 44 об.).

оугасимыи, и червие не оусыпающее, и тма кромешная.  
и иные многоразличныи мѣки, не имѣши конца. а  
праведникомъ црѣвие нѣное, и прочая блгаа вь вѣко-  
нечнѣи жизни. ихъ же оустѣа человекеская не мѡгутъ  
изрещи, їаже оуготова вѣтъ любящимъ єго.

